

Sra. Monica Arends Kock

Mi no a bandona PPA pa mi afilia na otro partido mi a bandona PPA paso mi no ta di acuerdo cu kico ta pasando

ORANJESTAD – Tur hende ta drenta den politica pa bai traha y sra. Arends Kock a indica cu tur hende ta stima Aruba y e ora cu e la dicidi di drenta PPA e la dicidi di drenta e partido ei paso e tabata completamente di acuerdo cu e ideologia cu Juancho Iraisquin tabata tin, ya cu e tabata traha pa e pais, peor e tabata traha pa e pueblo tambe.

Tur hende sa cu sra. Arends Kock a trece diferente informacionnan di loke sr. Iraisquin a haci den pasado na momento di su 100 aña natal, peor su visionnan cu bo tin cu traha pa bo pais y tambe pa bo pueblo y den opinion di Arends Kock ta

asina e mester ta.

Na momento cu e ta yega awor aki nan na scucha y ripara loke a pasa den e partido PPA, e no ta kere cu e partido PPA tin e ideologia ei mas, despues di a analisa tur e siman nan aki kico a pasa den e partido.

Sra. Arends a indica cu e no ta sinti cu e tin un luga den PPA ora diferente cosnan ta pasa asina ora cu diferente reunionnan ta keda cansela pa no discuti riba e punto.

Sra. Arends Kock a trata e asunto tambe di e diferente speculacionnan cu tin den comunidad, encuan to di su futuro.

Un di e speculacionnan ta, cu Monica Arends Kock lo bandona PPA pa bai den un

otro partido. Sra Arends Kock a indica cu esei not a corecto, su opcion y loke e tabata kier pa haya prioridad ta, yega na un solucion pa PPA por bai dilanti, logra pa tur hende keda aden, logra cierto cambionan cu bo mester haci pa e partido sigui crece, anto e ora ei bo pensamiento no ta pa bandona e partido pa bai un otro partido.

Pensamento di Monica Arends Kock semper tabata pa soluciona e problema cu tabata tin. E hecho cu sra. Arends Kock no a papia cu prensa tabata e motibo pakico esei tabata asina. Esei no ta asina y sra. Arends Kock sa tambe y e ta duele masha hopi mes cu e ta sinta den



Sra. Monica Arends Kock

e situacion aki, ya cu nan a haya asina hopi yamada di hendenan cu tabata tin speranza speranza grandi pa e partido aki, speranza cu nan por a bai dilanti hunto cue partido aki trece un cambio grandi pa Aruba, bai traha pa Aruba y nan speranza ta comprendibel, pero cierto momento ta yega cu bo mester keda para banda di bo principionan y si mester sigui

acepta loke ta wordo haci si of no.

Pa Arends Kock ta un lastima cu mester a yega asina y cu mester a dicidi esei y esei ta e decision cu sra. Arends Kock a tuma di retira for di partido. Awor aki sra. Arends Kock ta bai pensa hopi bon kico e ta bai haci pa futuro y e lo tene cuenta si naturalmente pa cu e deseo di pueblo cu nan a vocifera claramente, publicamente na su persona e preocupacionnan, pero na e momentonan aki sra. Arends Kock a tuma decision hopi dificil pa su persona, pero awor ta toca su persona pa dicidi kico e ta bai haci den futuro. E la enfatisa cu e no tin ningun plan ainda, pero e grupo lo keda hunto y e intencion ta pa keda hunto. Den futuro nan lo bisa kico nan ta bai haci y dentro di poco nan lo haci esaki conoci na comunidad. Te ainda no tin un decision tuma dor di e miembronan cu a bandona PPA, den cua direccion nan ta bai, pero cu tabata tiña acercamento di otro partidonan esei sigur tabata e caso.